

বাংলাদেশ কৃষি গবেষণা কাউন্সিল আইন, ১৯৯৬

সূচী

ধারাসমূহ

- ১। সংক্ষিপ্ত শিরোনামা ও প্রবর্তন
- ২। সংজ্ঞা
- ৩। কাউন্সিল প্রতিষ্ঠা
- ৪। পরিচালনা ও প্রশাসন
- ৫। গভর্নিং বডি ও উহার গঠন
- ৬। সদস্য পদের মেয়াদ
- ৭। সদস্যপদের অবসান
- ৮। কাউন্সিলের উদ্দেশ্য ও কার্যাবলী
- ৯। গভর্নিং বডির সভা
- ১০। নির্বাহী পরিষদ
- ১১। নির্বাহী পরিষদের সভা
- ১২। নির্বাহী চেয়ারম্যান
- ১৩। সচিবালয়, সচিব, সদস্য-পরিচালক ও অন্যান্য কর্মচারী
- ১৪। সিস্টেমের জনবল নীতি
- ১৫। তহবিল
- ১৬। বাজেট
- ১৭। হিসাব ও নিরীক্ষা
- ১৮। কাউন্সিল কর্তৃক সরকারের নিকট বার্ষিক প্রতিবেদন প্রেরণ
- ১৯। কমিটি
- ২০। ক্ষমতা অর্পণ
- ২১। বিধি প্রণয়নের ক্ষমতা
- ২২। প্রবিধান প্রণয়নের ক্ষমতা
- ২৩। গভর্নিং বডি, নির্বাহী পরিষদের সদস্য, কর্মকর্তা-কর্মচারীগণ জনসেবক
- ২৪। সরল বিশ্বাসে কৃত কাজকর্ম রক্ষণ
- ২৫। কতিপয় আইন অপ্রযোজ্য
- ২৬। রহিতকরণ ও হেফাজত
- ২৭। অধ্যাদেশ নং ১৬, ১৯৯৬ বাতিলকরণ

বাংলাদেশ কৃষি গবেষণা কাউন্সিল আইন, ১৯৯৬

১৯৯৬ সনের ৭ নং আইন

[১৭ আগষ্ট, ১৯৯৬]

বাংলাদেশ কৃষি গবেষণা কাউন্সিল সংক্রান্ত আইন রহিত করিয়া সংশোধিত আকারে উহা পুনঃপ্রণয়নের উদ্দেশ্যে প্রণীত আইন।

যেহেতু বাংলাদেশ কৃষি গবেষণা কাউন্সিল সংক্রান্ত Bangladesh Agricultural Research Council Order, 1973 (P.O. No. 32 of 1973) রহিত করিয়া সংশোধিত আকারে উহা প্রণয়ন করা সমীচীন ও প্রয়োজনীয়;

সেহেতু এতদ্বারা নিম্নরূপ আইন করা হইল:-

১। (১) এই আইন বাংলাদেশ কৃষি গবেষণা কাউন্সিল আইন, ১৯৯৬ নামে সংক্ষিপ্ত শিরোনামা ও অভিহিত হইবে। প্রবর্তন

(২) ইহা ১লা আষাঢ়, ১৪০৩ মোতাবেক ১৫ই জুন, ১৯৯৬ তারিখে বলবৎ হইয়াছে বলিয়া গণ্য হইবে।

২। বিষয় বা প্রসংগের পরিপন্থী কোন কিছু না থাকিলে, এই আইনে,- সংজ্ঞা

- (ক) “ইনস্টিটিউট” অর্থ তফসিলে উল্লিখিত কোন ইনস্টিটিউট;
- (খ) “কর্মচারী” অর্থ কাউন্সিলের কোন কর্মচারী, এবং কাউন্সিলের কোন কর্মকর্তাও এই সংজ্ঞার অন্তর্ভুক্ত হইবেন;
- (গ) “কাউন্সিল” অর্থ ধারা ৩ এর অধীন প্রতিষ্ঠিত বাংলাদেশ কৃষি গবেষণা কাউন্সিল;
- (ঘ) “কো-চেয়ারম্যান” অর্থ গভর্নিং বডির কো-চেয়ারম্যান;
- (ঙ) “কৃষি” বলিতে নিম্নবর্ণিত কার্যাবলী অন্তর্ভুক্ত হইবে, যথা:-
- (অ) ফলমূলসহ সকল প্রকার উদ্ভিজ্জ, ফসল উৎপাদন, উক্ত ফসলসমূহ সংরক্ষণ এবং উহাদের প্রারম্ভিক প্রক্রিয়াকরণ ও ব্যবহার এবং তৎসংক্রান্ত কার্যাবলী;
- (আ) বনজ সম্পদ উন্নয়ন, সংরক্ষণ ও তৎসংক্রান্ত কার্যাবলী;
- (ই) পশু পালন, প্রজনন, পশু সম্পদ উন্নয়ন এবং তৎসংক্রান্ত কার্যাবলী;

- (ঈ) মৎস্য, শক্ত খোলযুক্ত জলজ প্রাণী (Crustaceans) এবং সরকার কর্তৃক সরকারী গেজেটে প্রজ্ঞাপন দ্বারা, মনুষ্য-খাদ্য হিসাবে ঘোষিত অন্য কোন জলজ প্রাণীর চাষ, প্রজনন, উন্নয়ন এবং তৎসংক্রান্ত কার্যাবলী;
- (চ) “গভর্ণিং বডি” অর্থ ধারা ৫(১) অনুসারে গঠিত গভর্ণিং বডি;
- (ছ) “চেয়ারম্যান” অর্থ গভর্ণিং বডির চেয়ারম্যান;
- (জ) “তফসিল” অর্থ এই আইনের কোন তফসিল;
- (ঝ) “নির্বাহী চেয়ারম্যান” অর্থ ধারা ১২ এর অধীনে নিযুক্ত চেয়ারম্যান;
- (ঞ) “নির্বাহী পরিষদ” অর্থ ধারা ১০ অনুসারে গঠিত নির্বাহী পরিষদ;
- (ট) “প্রবিধান” অর্থ ধারা ২২ এর অধীনে প্রণীত প্রবিধান;
- (ঠ) “বিধি” অর্থ ধারা ২১ এর অধীনে প্রণীত বিধি;
- (ড) “সচিবালয়” অর্থ ধারা ১৩(১) এ উল্লিখিত সচিবালয়;
- (ঢ) “সদস্য-পরিচালক” অর্থ ধারা ১৩(২) এ উল্লিখিত সদস্য-পরিচালক;
- (ণ) “সহযোগী সংগঠন” অর্থ এমন কোন সংগঠন বা সংস্থা যাহা, এই আইনের উদ্দেশ্য পূরণকল্পে, একটি সহযোগী সংগঠনরূপে কাউন্সিল কর্তৃক স্বীকৃত;
- (ত) “সিস্টেম” অর্থ কৃষি গবেষণা এবং তৎসংশ্লিষ্ট কার্যক্রমের উদ্দেশ্যে, কাউন্সিল ইনস্টিটিউটসমূহের সম্মিলিত রূপ।

কাউন্সিল প্রতিষ্ঠা

৩। (১) এই আইন বলবৎ হইবার সংগে সংগে বাংলাদেশ কৃষি গবেষণা কাউন্সিল নামে একটি কাউন্সিল প্রতিষ্ঠিত হইবে।

(২) কাউন্সিল একটি সংবিধিবদ্ধ সংস্থা হইবে, এবং ইহার স্থায়ী ধারাবাহিকতা ও একটি সাধারণ সীলমোহর থাকিবে এবং এই আইনের বিধানাবলী সাপেক্ষে, ইহার স্থাবর ও অস্থাবর উভয় প্রকার সম্পত্তি অর্জন করার অধিকারে রাখার এবং হস্তান্তর করার ক্ষমতা থাকিবে; এবং কাউন্সিলের নামে উহার পক্ষে বা বিরুদ্ধে মামলা দায়ের করা যাইবে।

(৩) কাউন্সিলের প্রধান কার্যালয় ঢাকায় থাকিবে এবং ইহা প্রয়োজনবোধে, সরকারের পূর্বানুমোদনক্রমে, বাংলাদেশের যে কোন স্থানে শাখা কার্যালয় স্থাপন করিতে পারিবে।

৪। (১) কাউন্সিলের একটি নির্বাহী পরিষদ থাকিবে এবং উপ-ধারা (২) এর বিধান সাপেক্ষে, কাউন্সিলের পরিচালনা ও প্রশাসন উক্ত পরিষদের উপর ন্যস্ত থাকিবে, এবং কাউন্সিল যে সকল ক্ষমতা প্রয়োগ ও কার্য সম্পাদন করিতে পারিবে নির্বাহী পরিষদও সেই সকল ক্ষমতা প্রয়োগ ও কার্য সম্পাদন করিতে পারিবে।

পরিচালনা ও প্রশাসন

(২) নির্বাহী পরিষদ উহার ক্ষমতা প্রয়োগ এবং কার্যাবলী সম্পাদনের ক্ষেত্রে গভর্নিং বডির নিকট দায়ী থাকিবে এবং গভর্নিং বডি কর্তৃক সময় সময় প্রদত্ত নির্দেশনা, আদেশ ও নির্দেশ অনুসরণ করিবে।

৫। (১) কাউন্সিলের একটি গভর্নিং বডি থাকিবে, যাহা নিম্নবর্ণিত সদস্য-সমন্বে গঠিত হইবে, যথা:-

গভর্নিং বডি ও উহার গঠন

- (ক) কৃষি বিষয়ক মন্ত্রণালয় বা বিভাগের দায়িত্বে নিয়োজিত মন্ত্রী, পদাধিকারবলে, যিনি গভর্নিং বডির চেয়ারম্যানও হইবেন;
- (খ) মৎস্য ও পশুসম্পদ বিষয়ক মন্ত্রণালয় এবং পরিবেশ ও বন মন্ত্রণালয় বা বিভাগের দায়িত্বে নিয়োজিত মন্ত্রী, পদাধিকারবলে, যিনি গভর্নিং বডির কো-চেয়ারম্যানও হইবেন;
- (গ) জাতীয় সংসদের স্পীকার কর্তৃক মনোনীত দুইজন সংসদ-সদস্য;
- (ঘ) নির্বাহী চেয়ারম্যান, পদাধিকারবলে;
- (ঙ) পরিকল্পনা কমিশনের কৃষি বিষয়ক সদস্য, পদাধিকারবলে;
- (চ) কৃষি, মৎস্য ও পশুসম্পদ, বাণিজ্য, এবং পরিবেশ ও বন বিষয়ক মন্ত্রণালয় বা বিভাগসমূহের সচিবগণ, পদাধিকারবলে;
- (ছ) বাংলাদেশ কৃষি বিশ্ববিদ্যালয়ের ভাইস-চ্যান্সেলর, পদাধিকারবলে;
- (জ) রেঞ্জার, ইনস্টিটিউট অব পোস্টগ্রাজুয়েট স্টাডিজ ইন এগ্রিকালচার (ইপসা), পদাধিকারবলে;
- (ঝ) অর্থ মন্ত্রণালয়ের অর্থ বিভাগ এবং সংস্থাপন বিষয়ক মন্ত্রণালয় বা বিভাগ কর্তৃক মনোনীত যুগ্ম-সচিবের নিম্নে নহেন এরূপ পদমর্যাদা সম্পন্ন একজন করিয়া কর্মকর্তা;
- (ঞ) কৃষি সম্প্রসারণ, পরিবেশ, পশুসম্পদ, বন ও মৎস্য অধিদপ্তরসমূহের প্রধানগণ, পদাধিকারবলে;
- (ট) চেয়ারম্যান কর্তৃক মনোনীত এইরূপ তিনজন বিজ্ঞানী যাহারা কাউন্সিল অথবা কোন ইনস্টিটিউটে কর্মরত নহেন এবং খাদ্যশস্য, অর্থকরী ফসল, মৎস্য চাষ, পশু পালন, পশু চিকিৎসা, বন, পরিবেশ, প্রাকৃতিক

সম্পদ বিষয়ক বিজ্ঞান, সমাজ বিষয়ক বিজ্ঞান (Social Science) অথবা সংশ্লিষ্ট অপর কোন বিজ্ঞানের ক্ষেত্রে প্রথিতযশা গবেষকরূপে স্বীকৃত;

- (ঠ) চেয়ারম্যান কর্তৃক মনোনীত একজন আদর্শ কৃষক, কৃষিজ সামগ্রীর ব্যবসায়ী সম্প্রদায়ের একজন প্রতিনিধি এবং কৃষি গবেষণা বা কৃষি উন্নয়নের সহিত জড়িত কোন বেসরকারী সংস্থা (এন,জি,ও) এর একজন প্রতিনিধি।

ব্যাখ্যা।- দফা (১) (ক) ও (চ) তে উল্লিখিত কৃষি বিষয়ক মন্ত্রণালয় বা বিভাগ, দফা (ঙ) তে উল্লিখিত কৃষি বিষয়ক সদস্য এবং দফা (ঝ) তে উল্লিখিত কৃষি সম্প্রসারণ অধিদপ্তর বলিতে যথাক্রমে সরকার কর্তৃক নির্ধারিত মন্ত্রণালয় বা বিভাগ, সদস্য এবং অধিদপ্তরকে বুঝাইবে।

(২) গভর্নিং বডির গঠনে ক্রটি রহিয়াছে বা উহাতে কোন শূন্যতা রহিয়াছে এই কারণে গভর্নিং বডির কোন কার্য বা কার্যধারা বেআইনী হইবে না বা তৎসম্পর্কে কোন প্রশ্ন উত্থাপন করা যাইবে না।

সদস্য পদের মেয়াদ

৬। (১) ধারা ৭ এর বিধান সাপেক্ষে, ধারা ৫(১) এর (এ৩) এবং (ট) এর অধীনে মনোনীত কোন ব্যক্তির সদস্যপদের মেয়াদ হইবে উক্ত পদে তাহার মনোনয়নের তারিখের পরবর্তী তিন বৎসর।

(২) উপ-ধারা (১) এ উল্লিখিত যে কোন মনোনীত সদস্য চেয়ারম্যানের স্বাক্ষরযুক্ত পত্রযোগে স্বীয় পদ ত্যাগ করিতে পারিবেন।

সদস্যপদেও অবসান

৭। গভর্নিং বডির কোন সদস্যের সদস্যপদের অবসান হইবে, যদি-

- (ক) ধারা ৫(১)(গ) এর অধীনে মনোনীত কোন সংসদ-সদস্যের ক্ষেত্রে, তাহার আসন সংবিধানের ৬৭ অনুচ্ছেদ অনুসারে শূন্য হয়, অথবা
- (খ) ধারা ৫(১) এর দফা (গ) বা (এ৩) বা (ট) এর অধীনে কোন মনোনীত ক্ষেত্রে-
- (অ) তাহার সদস্যপদের মেয়াদ ধারা ৬(১) অনুসারে উত্তীর্ণ হয়;
- (আ) তিনি ধারা ৬(২) অনুসারে স্বীয় পদ ত্যাগ করেন; অথবা
- (ই) তিনি চেয়ারম্যানের অনুমতি ব্যতিরেকে গভর্নিং বডির পর পর তিনটি সভায় অনুপস্থিত থাকেন; অথবা
- (গ) উপরে দফা (খ) তে উল্লিখিত মনোনীত সদস্যগণ ব্যতীত অন্য কোন সদস্যের ক্ষেত্রে, তিনি যে পদে অধিষ্ঠিত থাকার কারণে গভর্নিং বডির সদস্য হন সেই পদে অধিষ্ঠিত না থাকেন; অথবা

- (ঘ) তিনি মৃত্যুবরণ করেন; অথবা
- (ঙ) তিনি কোন এখতিয়ারসম্পন্ন আদালত কর্তৃক মানসিক বিকারগ্রস্ত বলিয়া ঘোষিত হন; অথবা
- (চ) দেউলিয়া ঘোষিত হইবার পর তিনি দায় হইতে অব্যাহতি লাভ না করিয়া থাকেন; অথবা
- (ছ) তিনি নৈতিক স্বলনজনিত ফৌজদারী অপরাধের দায়ে দোষী সাব্যস্ত হইয়া অনূন তিন মাস কারাদণ্ডে বা অনূন পাঁচ হাজার টাকা অর্থদণ্ডে দণ্ডিত হন; এবং এইরূপ দণ্ডিত ব্যক্তি মুক্তিলাভ বা ক্ষেত্রমত অর্থদণ্ড পরিশোধের পর দুই বৎসর কাল অতিবাহিত না হইয়া থাকিলে সদস্য হইবার যোগ্য হইবেন না।

৮। (১) কাউন্সিলের উদ্দেশ্য হইবে প্রয়োজনের প্রতি লক্ষ্য রাখিয়া ইনস্টিটিউটসমূহ এবং সহযোগী সংগঠনসমূহের মাধ্যমে কৃষি বিষয়ক বিজ্ঞানে গবেষণা পরিকল্পনা, পরিচালনা, সমন্বয়, পরিবীক্ষণ (Monitoring) মূল্যায়ন করা।

(২) উপ-ধারা (১) এ বর্ণিত উদ্দেশ্য অর্জনের লক্ষ্যে কাউন্সিল নিম্নবর্ণিত কার্যাবলী সম্পাদন করিবে, যথা :-

- (ক) কৃষি সম্পর্কিত জাতীয় নীতিমালার ভিত্তিতে গবেষণার বিষয়াবলী এবং উহাদের অগ্রাধিকার নির্ধারণ;
- (খ) কৃষি ক্ষেত্রে প্রয়োজনীয় এইরূপ গবেষণার পরিকল্পনা প্রণয়ন করা, যাহা ইনস্টিটিউটসমূহ কর্তৃক পরিচালিত গবেষণা-কার্যক্রমের দিক-নির্দেশক হইবে;
- (গ) কৃষি ক্ষেত্রে বিদ্যমান সমস্যা ও সম্ভাবনা এবং কৃষি-গবেষণার ক্ষেত্রে বিদেশী সহায়তার ব্যবহার সম্পর্কে সরকারকে পরামর্শ প্রদান করা;
- (ঘ) প্রত্যেক ইনস্টিটিউটের নিজস্ব তহবিলভিত্তিক গবেষণা প্রস্তাব এবং উহার বাস্তবায়ন কার্যক্রমের বাজেট, উক্ত ইনস্টিটিউটের বোর্ড অব ম্যানেজমেন্টের নিকট উপস্থাপনের পূর্বে, পরীক্ষা এবং মূল্যায়নক্রমে তৎসম্পর্কে প্রয়োজনীয় সুপারিশ করা;
- (ঙ) চুক্তি ভিত্তিতে বা অন্য কোনভাবে কাউন্সিল কর্তৃক কোন ইনস্টিটিউটকে বা সহযোগী সংগঠনকে প্রদত্ত সহায়তায় বাস্তবায়ন করা হইবে এইরূপ গবেষণা প্রস্তাব এবং উহার বাস্তবায়ন কার্যক্রমের বাজেট পরীক্ষা, মূল্যায়ন এবং অনুমোদন করা;

- (চ) গবেষণার মান নিশ্চিত করার উদ্দেশ্যে-
- (অ) প্রতিটি ইনস্টিটিউটের গৃহীত কার্যক্রম এবং চলমান কার্যাবলীর অগ্রগতি পরিবীক্ষণ করা;
- (আ) পাঁচ বৎসর অন্তর অন্তর প্রতিটি ইনস্টিটিউটের গৃহীত কার্যক্রম ও সম্পাদিত কার্যাবলী উক্ত ইনস্টিটিউট-বহির্ভূত একটি বিশেষজ্ঞ প্যানেল দ্বারা পুনরীক্ষণ (review) এর ব্যবস্থা করা;
- (ই) প্রতিটি ইনস্টিটিউটের গৃহীত কার্যক্রম এবং সম্পাদিত কার্যাবলী একটি অভ্যন্তরীণ বিশেষজ্ঞ প্যানেল দ্বারা সময় সময় পুনরীক্ষণের ব্যবস্থা করা;
- (ছ) নূতন গবেষণা প্রতিষ্ঠান, গবেষণা কেন্দ্র, গবেষণা স্থল, গ্রন্থাগার, তথ্য কেন্দ্র, যাদুঘর, হারবোরিয়াম (herbarium), জার্ম প্লাজম (germ-plasm) উদ্ভিদ প্রবর্তন কেন্দ্র (plant introduction centre) প্রতিষ্ঠা ও পরিচালনা করা এবং ঐগুলির প্রতিষ্ঠায় বা অন্য কোন সংস্থাকে সহায়তা করা;
- (জ) সিস্টেমকে যুক্তিসংগত ও বাস্তবসম্মত রূপ দেওয়ার উদ্দেশ্যে, সিস্টেমভুক্ত ইনস্টিটিউট এবং উহাদের অধীনস্থ গবেষণা স্থল বা গবেষণা কেন্দ্র, গবেষণাগার, লাইব্রেরী, তথ্য কেন্দ্র, যাদুঘর, হারবোরিয়াম, জার্ম প্লাজম এবং উদ্ভিদ প্রবর্তন কেন্দ্র এবং অন্যান্য স্থাপনার সংখ্যা, অবস্থান ও কার্য পরিধি নির্ধারণ, পরিবর্তন বা পরিবর্ধন সম্পর্কে সরকারকে বা ক্ষেত্রমত সংশ্লিষ্ট ইনস্টিটিউটকে পরামর্শ প্রদান করা;
- (ঝ) কৃষি ক্ষেত্রে প্রযুক্তি হস্তান্তর প্রক্রিয়া পরিবীক্ষণ করা, এবং ইনস্টিটিউট ও সহযোগী সংগঠনসমূহের গবেষণালব্ধ ফলাফল ও প্রযুক্তি প্রচার এবং মাঠ পর্যায়ে প্রয়োগ ও ব্যবহারের ক্ষেত্রে উদ্ভূত সমস্যা দূরীকরণের জন্য সমন্বিত প্রয়োগী পদক্ষেপ গ্রহণ করা বা ক্ষেত্রমত সংশ্লিষ্ট কর্তৃপক্ষকে পরামর্শ প্রদান করা;
- (ঞ) এই আইনের বিধানাবলী সাপেক্ষে, কাউন্সিলের কর্মকর্তা ও কর্মচারীদের চাকুরীর শর্তাবলী নির্ধারণ করা;
- (ট) কাউন্সিল, ইনস্টিটিউটসমূহ এবং ক্ষেত্রমত সহযোগী সংগঠনসমূহের কর্মকর্তা কর্মচারীগণকে কৃষি গবেষণা ও প্রযুক্তি ক্ষেত্রে উচ্চতর শিক্ষা ও প্রশিক্ষণ দানের জন্য প্রয়োজনীয় ব্যবস্থা করা;
- (ঠ) সরকারী নীতির আওতায় জাতীয় ও আন্তর্জাতিক সম্মেলন, কর্মশালা ও সেমিনারে কাউন্সিল ও ইনস্টিটিউটসমূহের প্রতিনিধিত্বের প্রয়োজনীয়তা নির্ধারণ এবং তৎসংশ্লিষ্ট প্রয়োজনীয় ব্যবস্থা গ্রহণ করা;

- (ড) কৃষি ক্ষেত্রে বাংলাদেশের জন্য কার্যকর এবং উপযোগিতাসম্পন্ন উদ্ভাবনের সরঞ্জামাদির দ্রুত পরীক্ষা, অভিযোজন ও ব্যবহার নিশ্চিত করার উদ্দেশ্যে আন্তর্জাতিক কৃষি গবেষণা সংগঠনসমূহ ও অন্যান্য দেশের কৃষি-গবেষণা সংগঠনসমূহের সহিত সংযোগ রক্ষা করা;
- (ঢ) ইনস্টিটিউট এবং ক্ষেত্রমত সহযোগী সংগঠনসমূহ কর্তৃক গৃহীত গবেষণা প্রকল্প কার্যক্রমের সম্পাদনোত্তর মূল্যায়ন করা এবং উহাদিগকে প্রয়োজনীয় পরামর্শ প্রদান করা;
- (ণ) উপরি-উক্ত কার্যাবলী এবং এই আইনের অধীন অন্যান্য বিধানের উদ্দেশ্য পূরণকল্পে প্রয়োজনীয় ও আনুষংগিক কার্যাবলী সম্পাদন করা।

৯। (১) প্রতি বৎসর অন্ততঃ চারবার গভর্নিং বডি'র সভা অনুষ্ঠিত হইবে। গভর্নিং বডি'র সভা

(২) এই ধারার বিধানাবলী সাপেক্ষে, গভর্নিং বডি উহার সভার কার্য-পদ্ধতি নির্ধারণ করিতে পারিবে।

(৩) গভর্নিং বডি'র সভা, চেয়ারম্যান অথবা তাঁহার অনুপস্থিতিতে কো-চেয়ারম্যানের সম্মতিক্রমে, সচিবের স্বাক্ষরিত লিখিত নোটিশ দ্বারা, আহূত হইবে; এবং সভা অনুষ্ঠানের তারিখ হইতে কমপক্ষে চৌদ্দ দিন পূর্বে, সভার তারিখ, সময়, স্থান ও আলোচ্য বিষয় উল্লেখ করিয়া এবং প্রয়োজনবোধে সংশ্লিষ্ট কাগজপত্র সংযুক্ত করিয়া, উক্ত নোটিশ করিতে হইবে।

(৪) গভর্নিং বডি'র সভায় চেয়ারম্যান, এবং তাঁহার অনুপস্থিতিতে কো-চেয়ারম্যান তাঁহাদের সকলের অনুপস্থিতিতে সভায় উপস্থিত সদস্যগণ কর্তৃক তাঁহাদের মধ্য হইতে মনোনীত কোন সদস্য সভাপতিত্ব করিবেন।

(৫) গভর্নিং বডি'র সভার কোরামের জন্য সর্বমোট সদস্য-সংখ্যার কমপক্ষে এক-তৃতীয়াংশ সদস্যের উপস্থিতি প্রয়োজন হইবে।

(৬) সভায় উপস্থিত প্রত্যেক সদস্যের একটি করিয়া ভোট থাকিবে এবং সংখ্যা-ভোটের ভিত্তিতে সভার সিদ্ধান্ত গৃহীত হইবে, তবে প্রদত্ত ভোটের সমতার ক্ষেত্রে সভাপতিত্বকারী সদস্য একটি দ্বিতীয় বা নির্ণায়ক ভোট প্রদান করিতে পারিবেন।

(৭) গভর্নিং বডি উহার সভার কোন আলোচ্য বিষয়ে বিশেষ অবদান রাখিতে সক্ষম এইরূপ যে কোন ব্যক্তিকে আমন্ত্রণ করিতে পারিবে, এবং উক্ত ব্যক্তি আলোচনায় অংশগ্রহণ করিতে পারিবেন, তবে তাহার কোন ভোটাধিকার থাকিবে না।

নির্বাহী পরিষদ

১০। (১) কাউন্সিলের একটি নির্বাহী পরিষদ থাকিবে, যাহা নিম্নরূপ সদস্য-সমন্বয়ে গঠিত হইবে, যথা:-

- (ক) নির্বাহী চেয়ারম্যান, পদাধিকারবলে;
- (খ) সদস্য-পরিচালকগণ, পদাধিকারবলে;
- (গ) ইনস্টিটিউটসমূহের প্রধান নির্বাহীগণ, যে নামেই অভিহিত হউন না কেন পদাধিকারবলে।

(২) ধারা ৪ এর বিধান সাপেক্ষে, নির্বাহী পরিষদ কাউন্সিলের সকল ক্ষমতা প্রয়োগ ও কার্যাবলী সম্পাদন করিবে।

(৩) নির্বাহী পরিষদে গঠনে ত্রুটি বা উহাতে কোন শূন্যতা রহিয়াছে শুধুমাত্র এই কারণে উহার কোন কোন কার্য বা কার্যধারা বেআইনী হইবে না বা তৎসম্পর্কে কোন প্রশ্ন উত্থাপন করা যাইবে না।

নির্বাহী পরিষদের সভা

১১। (১) প্রতি দুই মাসে অন্ততঃ একবার নির্বাহী পরিষদের সভা অনুষ্ঠিত হইবে।

(২) এই ধারার বিধানাবলী সাপেক্ষে, নির্বাহী পরিষদ উহার সভার কার্যপদ্ধতি নির্ধারণ করিতে পারিবে।

(৩) নির্বাহী পরিষদের সভায় নির্বাহী চেয়ারম্যান, এবং তাহার অনুপস্থিতিতে সভায় উপস্থিত সদস্যগণ কর্তৃক তাহাদের মধ্যে হইতে মনোনীত কোন সদস্য সভাপতিত্ব করিবেন।

(৪) নির্বাহী পরিষদের সভার কোরামের জন্য উহার মোট সদস্য সংখ্যার এক-তৃতীয়াংশ বা নিকটতম সংখ্যক সদস্যের উপস্থিতি প্রয়োজন হইবে।

(৫) নির্বাহী পরিষদের সভায় উপস্থিত প্রত্যেক সদস্যের একটি করিয়া ভোট থাকিবে এবং সংখ্যাগরিষ্ঠ ভোটের ভিত্তিতে সভার সিদ্ধান্ত গৃহীত হইবে, তবে ভোটের সমতার ক্ষেত্রে সভাপতিত্বকারী ব্যক্তির একটি দ্বিতীয় বা নির্ণায়ক ভোট থাকিবে।

(৬) নির্বাহী পরিষদ উহার সভার আলোচ্য বিষয়ে অবদান রাখিতে সক্ষম এইরূপ যে কোন ব্যক্তিকে আমন্ত্রণ করিতে পারিবে, এবং উক্ত ব্যক্তি আলোচনায় অংশগ্রহণ করিতে পারিবেন, তবে তাহার কোন ভোটাধিকার থাকিবে না।

১২। (১) কাউন্সিলের একজন নির্বাহী চেয়ারম্যান থাকিবেন, যিনি সরকার নির্বাহী চেয়ারম্যান কর্তৃক নিযুক্ত হইবেন এবং যাহার চাকুরীর শর্তাবলী সরকার কর্তৃক নির্ধারিত হইবে।

(২) নির্বাহী চেয়ারম্যান কাউন্সিলের প্রধান নির্বাহী হইবেন, এবং এই আইন, বিধি ও প্রবিধানের বিধানাবলী সাপেক্ষে, তিনি তাহার ক্ষমতা প্রয়োগ ও কার্যাবলী সম্পাদন করিবেন।

১৩। (১) এই আইনের অধীন কাউন্সিলের ক্ষমতা প্রয়োগ ও কার্যাবলী সম্পাদনের ক্ষেত্রে গভর্ণিং বডি এবং নির্বাহী পরিষদকে সহায়তা করার জন্য কাউন্সিলের একটি সচিবালয় থাকিবে, যাহা প্রয়োজনীয় সংখ্যক উইং-এ বিভক্ত থাকিবে, এবং এইরূপ কোন উইং এর একাধিক ইউনিট বা শাখা থাকিতে পারিবে।

সচিবালয়, সচিব,
সদস্য-পরিচালক ও
অন্যান্য কর্মচারী

(২) প্রতিটি উইং এর প্রধান সদস্য-পরিচালক নামে অভিহিত হইবেন এবং তাহার সরকার কর্তৃক নির্ধারিত শর্তে সরকার কর্তৃক নিয়োজিত হইবেন।

(৩) নির্বাহী পরিষদ, আদেশ দ্বারা, প্রতিটি উইং এর কার্যাবলী নির্ধারণ করিয়া দিতে পারিবে:

তবে শর্ত থাকে যে, উক্তরূপে নির্ধারিত না হওয়া পর্যন্ত নির্বাহী চেয়ারম্যান আদেশ দ্বারা প্রতিটি উইং এর কার্যাবলী নির্ধারণ করিয়া দিবেন।

(৪) কাউন্সিলের প্রশাসন সংক্রান্ত উইং এর দায়িত্বে নিয়োজিত সদস্য-পরিচালক কাউন্সিলের সচিব হইবেন, এবং তিনি গভর্ণিং বডি ও নির্বাহী পরিষদেরও সচিব হিসাবে দায়িত্ব পালন করিবেন।

(৫) সদস্য-পরিচালকগণ ছাড়াও সচিবালয়ে প্রয়োজনীয় সংখ্যক অন্যান্য কর্মকর্তা ও কর্মচারী থাকিবেন এবং ধারা ১৪ এর বিধান সাপেক্ষে, এইরূপ অন্যান্য কর্মকর্তা ও কর্মচারীগণ নিয়োগ ও চাকুরীর শর্তাবলী প্রবিধান দ্বারা নির্ধারিত হইবে।

(৬) এই আইন, বিধি ও প্রবিধানের বিধানাবলী সাপেক্ষে, সদস্য-পরিচালকগণসহ সচিবালয়ের অন্যান্য সকল কর্মকর্তা ও কর্মচারী নির্বাহী চেয়ারম্যানের সার্বিক নিয়ন্ত্রণ ও তত্ত্বাবধানে তাহাদের দায়িত্ব পালন করিবেন।

সিস্টেমের জনবল
নীতি

১৪। আপাততঃ বলবৎ অন্য কোন আইনে ভিন্নরূপ যাহা কিছুই থাকুক না
কেন-

(ক) কাউন্সিল এবং তফসিল 'ক' তে উল্লিখিত ইনস্টিটিউটসমূহের মূখ্য বৈজ্ঞানিক কর্মকর্তা ও উহার সমবেতনক্রমভুক্ত অন্যান্য পদে পদোন্নতি বা অন্য কোন পদ্ধতিতে নিয়োগের উদ্দেশ্যে, কাউন্সিল একটি পদোন্নতি কমিটি বা বাছাই কমিটি গঠন করিবে, এবং এই কমিটির সুপারিশ ব্যতীত উক্তরূপ কোন পদে কোন ব্যক্তি নিয়োগ করা যাইবে না:

তবে শর্ত থাকে যে, উক্তরূপ সুপারিশ করার ক্ষেত্রে, উক্ত কমিটি নির্বাহী পরিষদ কর্তৃক নির্ধারিত মানদণ্ড অনুসরণ করিবে;

(খ) দফা (ক) তে উল্লিখিত পদের নিম্নতর পদসমূহে পদোন্নতির ক্ষেত্রে, সংশ্লিষ্ট পদধারীগণের প্রয়োজনীয় যোগ্যতার মানদণ্ড সামঞ্জস্যপূর্ণ করার উদ্দেশ্যে নির্বাহী পরিষদ একটি সুযম পদ্ধতি নির্ধারণ করিবে এবং কাউন্সিলসহ তফসিল "ক" উল্লিখিত ইনস্টিটিউটসমূহ উক্ত পদ্ধতি অনুসরণ করিবে এবং প্রযোজ্য ক্ষেত্রে সংশ্লিষ্ট বিধানাবলী সংশোধন করিবে;

(গ) দফা (ক) ও (খ) এর বিধানাবলী কার্যকর করার উদ্দেশ্যে, কাউন্সিল-

(অ) উহার নিজস্ব কর্মকর্তাগণের ক্ষেত্রে প্রযোজ্য বিধান সংশোধনের বা ক্ষেত্রমত প্রণয়নের ব্যবস্থা করিবে; এবং

(আ) কোন ইনস্টিটিউটের কর্মকর্তাগণের ক্ষেত্রে প্রযোজ্য বিধান সংশোধনের বা ক্ষেত্রমত প্রণয়নের জন্য উক্ত ইনস্টিটিউটকে প্রয়োজনীয় পদক্ষেপ গ্রহণের নির্দেশ দিবে;

(ঘ) দফা (ক), (খ) এবং (গ) এর বিধান অনুসারে সংশ্লিষ্ট বিধানাবলী সংশোধিত না হওয়া পর্যন্ত নির্বাহী পরিষদ, উক্ত দফাসমূহের বিধানাবলী কার্যকর করার উদ্দেশ্যে, প্রশাসনিক আদেশের মাধ্যমে প্রয়োজনীয় নির্দেশ দিতে পারিবে এবং সংশ্লিষ্ট সকল কর্তৃপক্ষ উক্ত নির্দেশ অনুসরণ করিবে;

(ঙ) তফসিল "ক" তে উল্লিখিত ইনস্টিটিউটসমূহে কর্মরত সকল কর্মকর্তা ও কর্মচারীর চাকুরীর অন্যান্য শর্তাবলী সামঞ্জস্যপূর্ণ এবং সম্ভব হইলে অভিন্ন করার উদ্দেশ্যে কাউন্সিল সংশ্লিষ্ট ইনস্টিটিউট বা ক্ষেত্রমত সরকারের নিকট প্রয়োজনীয় সুপারিশ করিতে পারিবে;

(চ) তফসিল "খ" তে উল্লিখিত ইনস্টিটিউটসমূহের কর্মকর্তা ও কর্মচারীগণের পদোন্নতি বা অন্য কোন পদ্ধতিতে নিয়োগ ও চাকুরীর অন্যান্য শর্তাবলী সংশ্লিষ্ট ইনস্টিটিউটের ক্ষেত্রে প্রযোজ্য বিধানাবলী দ্বারা পরিচালিত হইবে।

১৫। (১) কাউন্সিলের একটি তহবিল থাকিবে এবং উহাতে নিম্নবর্ণিত অর্থ তহবিল জমা হইবে, যথা:-

- (ক) সরকার কর্তৃক প্রদত্ত অনুদান;
- (খ) সরকারের পূর্বানুমোদনক্রমে কোন বিদেশী সরকার বা সংস্থা বা আন্তর্জাতিক সংস্থা হইতে প্রাপ্ত অনুদান;
- (গ) গবেষণা উদ্যোগ হইতে প্রাপ্ত আয়;
- (ঘ) কোন স্থানীয় কর্তৃপক্ষ (local authority) প্রদত্ত অনুদান;
- (ঙ) কোন বেসরকারী প্রতিষ্ঠান বা ব্যক্তি প্রদত্ত অনুদান;
- (চ) অন্য কোন উৎস হইতে প্রাপ্ত অর্থ।

(২) এই তহবিল, কাউন্সিল এর নামে, গভর্ণিং বডি কর্তৃক অনুমোদিত কোন তফসিলী ব্যাংকে জমা রাখা হইবে এবং নির্বাহী পরিষদ দ্বারা নির্ধারিত পদ্ধতিতে তহবিল হইতে অর্থ উঠানো হইবে।

(৩) এই তহবিল হইতে কাউন্সিলের প্রয়োজনীয় ব্যয় নির্বাহ করা হইবে।

১৬। কাউন্সিল, প্রতি বৎসর সরকার কর্তৃক নির্দিষ্ট সময়ের মধ্যে, পরবর্তী বাজেট অর্থ বৎসরের বার্ষিক বাজেট বিবরণী সরকারের নিকট পেশ করিবে এবং উহাতে উক্ত অর্থ বৎসরে সরকারের নিকট হইতে কাউন্সিলের কি পরিমাণ অর্থের প্রয়োজন উহার উল্লেখ থাকিবে।

১৭। (১) কাউন্সিল সরকার কর্তৃক নির্দেশিত পদ্ধতিতে উহার হিসাব রক্ষণ হিসাব ও নিরীক্ষা করিবে এবং হিসাবের বার্ষিক বিবরণী প্রস্তুত করিবে।

(২) বাংলাদেশের মহা-হিসাব নিরীক্ষক ও নিয়ন্ত্রক, অতঃপর মহা-হিসাব নিরীক্ষক নামে উল্লিখিত, প্রতি বৎসর কাউন্সিলের হিসাব নিরীক্ষা করিবেন এবং নিরীক্ষা প্রতিবেদনের রিপোর্টের একটি করিয়া অনুলিপি সরকার ও কাউন্সিল এর নিকট পেশ করিবে।

(৩) উপ-ধারা (২) এ উল্লিখিত নিরীক্ষা প্রতিবেদনে বর্ণিত ত্রুটি-বিচ্যুতি, যদি থাকে, সংশোধনের জন্য কাউন্সিল অবিলম্বে ব্যবস্থা গ্রহণ করিবে।

(৪) উপ-ধারা (২) মোতাবেক হিসাব নিরীক্ষার উদ্দেশ্যে, মহা-হিসাব নিরীক্ষক কিংবা তাহার নিকট হইতে এতদুদ্দেশ্যে ক্ষমতাপ্রাপ্ত কোন ব্যক্তি কাউন্সিলের সকল রেকর্ড, দলিল-দস্তাবেজ, নগদ বা ব্যাংকে গচ্ছিত অর্থ, জামানত, ভাণ্ডার এবং অন্যবিধ সম্পত্তি পরীক্ষা করিয়া দেখিতে পারিবেন এবং

গভর্নিং বডি বা নির্বাহী-পরিষদের চেয়ারম্যান বা কোন সদস্য বা যে কোন কর্মকর্তা বা কর্মচারী বা সংশ্লিষ্ট অন্য কোন ব্যক্তিকে জিজ্ঞাসাবাদ করিতে পারিবেন।

কাউন্সিল কর্তৃক
সরকারের নিকট
বার্ষিক প্রতিবেদন
প্রেরণ

১৮। কাউন্সিল, প্রত্যেক অর্থ বৎসর সমাপ্ত হওয়ার পরবর্তী ৩০শে নভেম্বর তারিখের মধ্যে তৎকর্তৃক উক্ত অর্থ বৎসরে গৃহীত গবেষণা প্রকল্প, সম্পাদিত কার্যাবলী এবং কাউন্সিলের সামগ্রিক অবস্থা সম্পর্কিত তথ্যাদির সার-সংক্ষেপ সম্বলিত একটি প্রতিবেদন সরকারের নিকট প্রেরণ করিবে।

কমিটি

১৯। কাউন্সিল এই আইনের অধীন উহার কোন ক্ষমতা প্রয়োগ বা কোন কার্য সম্পাদনের ব্যাপারে উহাকে সহায়তা করার উদ্দেশ্যে, তৎকর্তৃক নির্ধারিত সীমা ও শর্ত সাপেক্ষে, গভর্নিং বডি বা নির্বাহী পরিষদের কোন সদস্য বা কাউন্সিলের কর্মকর্তা সমন্বয়ে এক বা একাধিক কমিটি গঠন করিতে পারিবে, এবং প্রয়োজনবোধে উক্ত কমিটিতে অন্য যে কোন ব্যক্তিকে অন্তর্ভুক্ত করিতে পারিবে।

ক্ষমতা অর্পণ

২০। কাউন্সিল এই আইন বা তদধীনে প্রণীত বিধি বা প্রবিধানের অধীন উহার কোন ক্ষমতা লিখিত আদেশ দ্বারা গভর্নিং বডি বা নির্বাহী পরিষদের কোন সদস্য, বা কোন কর্মকর্তা বা কোন কমিটিকে অর্পণ করিতে পারিবে।

বিধি প্রণয়নের ক্ষমতা

২১। সরকার এই আইনের উদ্দেশ্যে পূরণকল্পে, সরকারী গেজেটে প্রজ্ঞাপন দ্বারা বিধি প্রণয়ন করিতে পারিবে।

প্রবিধান প্রণয়নের
ক্ষমতা

২২। কাউন্সিল এই আইনের উদ্দেশ্যে পূরণকল্পে, সরকারের পূর্বানুমোদনক্রমে এবং সরকারী গেজেটে প্রজ্ঞাপন দ্বারা, এই আইন বা বিধির সহিত অসংগতিপূর্ণ নহে এইরূপ প্রবিধান প্রণয়ন করিতে পারিবে।

গভর্নিং বডি, নির্বাহী
পরিষদের সদস্য,
কর্মকর্তা-কর্মচারীগণ
জনসেবক

২৩। গভর্নিং বডি এবং নির্বাহী পরিষদের সকল সদস্য এবং সকল কর্মকর্তা ও কর্মচারী এবং কাউন্সিলের পক্ষে কোন কাজ করিবার জন্য ক্ষমতাপ্রাপ্ত অন্য কোন ব্যক্তি Penal Code (Act XLV of 1860) এর section 21 এ সংজ্ঞায়িত অর্থে Public servant গণ্য হইবেন।

সরল বিশ্বাসে কৃত
কাজকর্ম রক্ষণ

২৪। এই আইন, বিধি বা প্রবিধানের অধীন সরল বিশ্বাসে কৃত কোন কাজকর্মের ফলে কোন ব্যক্তি ক্ষতিগ্রস্ত হইলে বা হওয়ার সম্ভাবনা থাকিলে তজ্জন্য সরকার, কাউন্সিল বা উক্ত কাজকর্ম সম্পাদনকারী ব্যক্তির বিরুদ্ধে কোন দেওয়ানী বা ফৌজদারী মামলা বা অন্য কোন আইনগত কার্যধারা কোন আদালতে গ্রহণ করা যাইবে না।

২৫। কাউন্সিল বা তৎকর্তৃক পরিচালিত কার্যক্রম এর ক্ষেত্রে Factories Act, 1965 (E.P. Act IV of 1965), Shops and Establishments Act, 1965 (E.P. Act VII of 1965), Employment of Labour (Standing Orders) Act, 1965 (E.P. Act VIII of 1965) অথবা Industrial Relations Ordinance, 1969 (Ord. XXIII of 1969) এর বিধানাবলী প্রযোজ্য হইবে না।

কতিপয় আইন
অপ্রযোজ্য

২৬। (১) এতদ্বারা The Bangladesh Agricultural Research Council Order, 1973 (P.O. No. 32 of 1973), অতঃপর উক্ত Order বলিয়া উল্লিখিত রহিত করা হইল।

রহিতকরণ ও
হেফাজত

(২) উক্ত Order রহিত হইবার সংগে সংগে-

- (ক) উহার অধীন প্রতিষ্ঠিত Bangladesh Agricultural Research Council, অতঃপর বিলুপ্ত Council বলিয়া উল্লিখিত বিলুপ্ত হইবে;
- (খ) বিলুপ্ত Council এর তহবিল, নগদ ও ব্যাংকে গচ্ছিত অর্থ, এবং সিকিউরিটিসহ সকল স্থাবর ও অস্থাবর সম্পত্তি এবং ঐ সকল সম্পত্তিতে বিলুপ্ত Council এর যাবতীয় অধিকার ও স্বার্থ কাউন্সিলে ন্যস্ত হইবে;
- (গ) বিলুপ্ত Council এর সকল ঋণ, দায় ও দায়িত্ব এবং উহার দ্বারা, উহার পক্ষে বা উহার সহিত সম্পাদিত সকল চুক্তি যথাক্রমে কাউন্সিলের ঋণ, দায় ও দায়িত্ব, এবং উহার দ্বারা, পক্ষে বা সহিত সম্পাদিত চুক্তি বলিয়া গণ্য হইবে;
- (ঘ) বিলুপ্ত Council এর কর্তৃক বা উহার সহায়তায় প্রতিষ্ঠিত গবেষণা প্রতিষ্ঠান, গবেষণা কেন্দ্র, গ্রন্থাগার, তথ্য কেন্দ্র, যাদুঘর বা অন্যবিধ স্থাপনা কাউন্সিল কর্তৃক বা উহার সহায়তায় প্রতিষ্ঠিত বলিয়া গণ্য হইবে;
- (ঙ) বিলুপ্ত Council কর্তৃক বা উহার বিরুদ্ধে দায়েরকৃত কোন মামলা বা সূচিত অন্য কোন আইনগত কার্যধারা কাউন্সিল কর্তৃক বা উহার বিরুদ্ধে দায়েরকৃত বা সূচিত মামলা বা কার্যধারা বলিয়া গণ্য হইবে;
- (চ) বিলুপ্ত Council এর Executive Vice-Chairman এবং প্রত্যেক Member-Director সরকার কর্তৃক এই আইনের অধীনে যথাক্রমে কাউন্সিলের নির্বাহী চেয়ারম্যান এবং সদস্য-পরিচালক হিসাবে নিয়োজিত হইয়াছেন বলিয়া গণ্য হইবে, এবং এই আইন প্রবর্তনের পূর্বে তাহারা যে শর্তাধীনে নিয়োজিত ও কর্মরত ছিলেন, তাহা সরকার কর্তৃক পরিবর্তিত না হওয়া পর্যন্ত, সেই একই শর্তে নিয়োজিত ও কর্মরত থাকিবেন।

Copyright @ Ministry of Law, Government of Bangladesh and Parliamentary Affairs, Bangladesh.

(ছ) বিলুপ্ত Council এর সকল কর্মকর্তা ও কর্মচারী কাউন্সিলের কর্মকর্তা ও কর্মচারী হইবেন, এবং এই আইন প্রবর্তনের পূর্বে তাহারা যে শর্তাধীনে চাকুরীতে ছিলেন, তাহা এই আইনের বিধান অনুযায়ী পরিবর্তিত না হওয়া পর্যন্ত, সেই একই শর্তে চাকুরীরত থাকিবেন।

(৩) উক্ত Order রহিত হওয়া সত্ত্বেও-

(ক) উহার অধীন প্রণীত কোন Rules বা Regulations, জারীকৃত কোন প্রজ্ঞাপন, প্রদত্ত কোন আদেশ, নির্দেশ, অনুমোদন, উপদেশ বা সুপারিশ এই আইনের সহিত সামঞ্জস্যপূর্ণ হওয়া সাপেক্ষে, এবং এই আইনের অধীনে রহিত বা সংশোধিত না হওয়া পর্যন্ত বলবৎ থাকিবে;

(খ) উহার অধীন গঠিত Executive Committee ব্যতীত অন্য কোন কমিটি, উহার গঠন বা কার্য পরিধি এই আইনের বিধানের সহিত সামঞ্জস্যপূর্ণ না হইলে, এইরূপে অব্যাহত থাকিবে যেন উক্ত কমিটি এই আইনের অধীনে গঠিত হইয়াছে।

(৪) এই আইন প্রবর্তনের অব্যবহিত পূর্বে বিলুপ্ত Council এর নিকট কোন গবেষণা প্রস্তাব, গবেষণা পরিকল্পনা, সম্পাদিত গবেষণার মূল্যায়ন ও পুনরীক্ষণ এবং কোন ইনস্টিটিউট সংক্রান্ত অন্য কোন কার্যক্রম বিবেচনাধীন থাকিলে তৎসম্পর্কে কাউন্সিল এই আইনের বিধান অনুসারে ব্যবস্থা গ্রহণ করিতে পারিবে।

(৫) উপ-ধারা (২), (৩) এবং (৪) এর বিধান কার্যকর করার ক্ষেত্রে কোন অসুবিধা দেখা দিলে, উক্ত অসুবিধা দূরীকরণার্থে সরকার, লিখিত আদেশ দ্বারা, প্রয়োজনীয় ব্যবস্থা গ্রহণ করিতে পারিবে।

অধ্যাদেশ নং ১৬,
১৯৯৬ বাতিলকরণ

২৭। (১) বাংলাদেশ কৃষি গবেষণা কাউন্সিল অধ্যাদেশ, ১৯৯৬ (অধ্যাদেশ নং ১৬, ১৯৯৬) এতদ্বারা বাতিল করা হইল।

(২) উক্তরূপ বাতিল সত্ত্বেও বাতিলকৃত অধ্যাদেশের অধীন কৃত কাজকর্ম বা গৃহীত ব্যবস্থা এই আইনের অধীন কৃত বা গৃহীত হইয়াছে বলিয়া গণ্য হইবে।

তফসিল-‘ক’

[ধারা ২(ক) দ্রষ্টব্য]

(১) Bangladesh Rice Research Institute (BRRI)

(২) Bangladesh Jute Research Institute (BJRI)

(৩) Bangladesh Agricultural Research Institute (BARI)